

Faruk Selmanović
Zastupnik SDA u Skupštini Kantona Sarajevo

Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Premijeru Kantona Sarajevo, Ministarstvu komunalne privrede, infrastrukture, prostornog uređenja, građenja i zaštite okoliša i Ureda za borbu protiv korupcije i unapređenje kvaliteta

PREDMET: ZASTUPNIČKO PITANJE

Poštovani,

Premijeru Kantona Sarajevo, v.d. ministru komunalne privrede, infrastrukture, prostornog uređenja, građenja i zaštite okoliša i šefu Ureda za borbu protiv korupcije i unapređenje kvaliteta upućujemo sljedeće zastupničko pitanje:

Od premijera Kantona Sarajevo i v.d. ministra komunalne privrede, infrastrukture, prostornog uređenja, građenja i zaštite okoliša tražim odgovore na sljedeća pitanja:

1. Da li je ugovor o poslovnoj saradnji koji je zaključen između KJKP RAD d.o.o. Sarajevo i privatne firme Ekopak d.o.o., a kojim se vrši nabavka 100 komada kontejnera (50 žutih za plastiku i metal i 50 plavih za papir) zaključen u skladu sa Zakonom o javnim nabavkama i drugim relevantnim zakonskim i podzakonskim propisima? Tražim da mi se dostavi odgovor posebno u odnosu na sljedeće aspekte potpisanog ugovora o poslovnoj saradnji:
 - zašto je potpisani ugovor naslovljen kao „ugovor o poslovnoj saradnji“, a ne „ugovor o nabavci roba“?
 - da li je nabavka 100 komada kontejnera (50 žutih za plastiku i metal i 50 plavih za papir) bila predviđena Planom javnih nabavki za 2025. godinu od 10.02.2025. godine?
 - da li je postupak nabavke 100 komada kontejnera (50 žutih za plastiku i metal i 50 plavih za papir) pokrenut i proveden prije usvajanja Plana javnih nabavki kojim se predviđa nabavka predmeta Sporazuma?
 - da li je za nabavku 100 komada kontejnera iz člana 1. Sporazuma o poslovnoj saradnji proveden otvoreni postupak kako je to predviđeno Planom nabavke KJKP Rad d.o.o. Sarajevo za 2025. godinu? (tačka 1.27. Plana nabavki za 2025. godinu).
 - da li se postupak javne nabavke mogao pokrenuti prije usvajnja Plana Javnih nabavki 2025. godine?
 - da li je i kada KJKP Rad d.o.o. donio odluku o pokretanju postupka nabavke kontejnera?
 - da li je, kada i u kojim sredstvima javnog informisanja raspisan Javni poziv za nabavku 100 komada kontejnera?

- kako je moguće da Ekopak d.o.o. dostavi KJKP Rad d.o.o. račun 50 broj 25-V00088 od 23.01.2025. godine za nabavku 50 žutih kontejnera za plastiku i metal i 50 plavih kontejnera za papir, ako je preduzeće KJKP Park d.o.o. Plan nabavki za 2025. godinu usvojilo 10.02.2025. godine?
- Kako je moguće da firma Ekopak d.o.o. dostavi KJKP Rad d.o.o. dostavnicu (INVOICE No 225250031) sa datumom izdavanja 11.02.2025. godine kada je nabavka 50 žutih kontejnera za plastiku i metal i 50 plavih kontejnera za papir planirano Planom nabavki za 2025. godinu, a koji je usvojen 10.02.2025. godine?

1. Od Ureda za borbu protiv korupcije i upravljanje kvalitetom tražim da, polazeći od navoda iz pitanja koja sam uputio premijeru Kantona Sarajevo i v.d. ministru komunalne privrede, infrastrukture, prostornog uređenja, građenja i zaštite okoliša, provede postupak istrage na okolnosti zakonitosti nabavke 100 komada kontejnera iz člana 1. Sporazuma o poslovnoj saradnji koji je zaključen između KJKP Rad d.o.o. i privatne firme EKOPAK d.o.o. Sarajevo.

Posebno tražim da Ured za borbu protiv korupcije i upravljanje kvalitetom provjeri zakonitost sljedećih okolnosti i činjenica:

1. razlika u datumima potpisivanja sporazuma između ugovornih strana. Datumi potpisivanja Sporazuma sugeriraju da je Ekopak d.o.o. potpisao i unaprijed dogovorio saradnju sa KJKP Rad d.o.o. i to mnogo prije nego što je KJKP Rad d.o.o. zvanično odobrio ugovor.
Ovo je posebno značajno kada se razlike u datumima potpisivanja Sporazuma o saradnji dovedu u vezu sa datumom dostavnice (INVOICE No 225250031 od 11.02.2025. godine) i datumom Računa 50 broj 25-V00088 od 23.01.2025. godine za nabavku 50 žutih kontejnera za plastiku i metal i 50 plavih kontejnera za papir. Naime, datum potpisivanja Sporazuma od strane preduzeća EKOPAK d.o.o. je 27.11.2024. godine, a datumi na navedenoj dostavnici i računu ukazuju da su isti izdati mnogo ranije, što ukazuje da je Ekopak d.o.o. već i prije zaključivanja Sporazuma obezbijedio opremu i resurse za njegovu realizaciju. Ovakva vremenska nepodudarnost u datumima potpisivanja Sporazuma jasno sugerira da je saradnja bila unaprijed isplanirana, odnosno prije nego što su ispoštovane zakonske, ali i interne procedure u KJKP Rad. d.o.o. Drugim riječima, Sporazum je *de facto* bio sklopljen unaprijed, što dovodi u pitanje transparentnost cijelog procesa.
2. činjenica je da su kontejneri za otpad isporučeni prije nego što je Sporazum zvanično potpisan. Naime, prema dostupnim dokumentima, Ekopak d.o.o. je KJKP Radu-u d.o.o. nabavio i predao 100 novih kontejnera za ambalažni otpad što potvrđuje da je oprema bila naručena, dopremljena i praktično stavljena na raspolaganje i prije nego što je postojala ikakva pravna osnova (potpisan ugovor) za tu isporuku. Takvo postupanje predstavlja kršenje zakonskih propisa, s obzirom da javno preduzeće ne smije primati, niti koristiti opremu od privatne firme bez validnog ugovora. Isporuka prije potpisa Sporazuma jasno ukazuje na nezakonite aktivnosti, jer su ugovorne strane djelovale kao da je ugovor na snazi i prije nego što je formalno zaključen i potpisan. Ovakav obrnuti redoslijed (prvo realizacija, pa tek onda potpis) ozbiljno

narušava zakonitost cijelog posla i otvara sumnje da se svjesno zaobilazila procedura.

3. Ugovor između KJKP Rad d.o.o. i Ekopak d.o.o. sklopljen je direktnom pogodbom, bez ikakvog javnog poziva ili tendera. KJKP Rad d.o.o. je praktično dodijelio privatnoj firmi posao vrijedan više stotina hiljada KM, bez da je pružio priliku drugim zainteresovanim ponuđačima da se natječu. Ovakvo pogodovanje privatnoj firmi ukazuje da nije ispoštovan Zakon o javnim nabavkama, koji zahtijeva transparentan postupak nabavke dobara i usluga za javna preduzeća. Izbjegavanjem javnog natječaja oštećen je KJKP Rad d.o.o., jer otvoreni postupak nabavke je mogao rezultirati povoljnijom ponudu. Umjesto toga, sklopljen je dogovor iza „zatvorenih vrata“ kojim se Ekopak d.o.o. stavlja u privilegiran položaj, dok javno preduzeće i građani trpe štetu zbog manjka transparentnosti i tržišne utakmice.
4. Potpisani Sporazum o poslovnoj saradnji pokreće i pitanje njegove usklađenosti sa Zakonom o javnim preduzećima Federacije BiH, naročito sa članom 2a. Zakona koji propisuje principe obavljanja djelatnosti od javnog interesa, uključujući jednak tretman učesnika na tržištu i zabranu narušavanja konkurencije. Konkretno, javnim preduzećima je zabranjeno zaključivati sporazume kojima se sprječava, ograničava ili narušava tržišna konkurencija. U konkretnom slučaju upravo se to dešava: favoriziranjem jednog privatnog preduzeća (Ekopak d.o.o.) i ustupanjem poslova bez javnog nadmetanja, narušen je princip jednakog tretmana i fer konkurencije.
5. Zakonitost potpisanog Sporazuma je upitna i s aspekta adekvatnog nadzora nad radom KJKP Rad d.o.o. u vrijeme sklapanja ovog posla, s obzirom da preduzeće u tom periodu nije imalo imenovan Nadzorni odbor koji bi nadgledao i odobrio donošenje i realizaciju odluke o nabavci kontejnera. Medijski izvještaji krajem 2024. godine ukazuju da Nadzorni odbor u KJKP Rad d.o.o. u naznačenom periodu praktično nije funkcionisao. U takvim okolnostima, potpisani Sporazum sa Ekopak d.o.o. je prošao bez uobičajene kontrole i saglasnosti nadzornog organa KJKP Rad d.o.o, što ukazuje da nije bilo interne instance koja bi preispitala uslove ugovora, njegovu opravdanost i zakonitost, niti zaštitila interes preduzeća i javnosti. Odsustvo Nadzornog odbora olakšalo je da se provede ovakav sporan poslovni aranžman.

Sve naprijed navedeno ukazuju da je Sporazum o poslovnoj saradnji između KJKP RAD i Ekopak d.o.o. zaključen netransparentno, uz kršenje Zakona o javnim nabavkama i internih procedura, što je dovodi do nastanka finansijske štetom za KJKP Rad d.o.o. Ovako potpisan Sporazum zahtijeva hitnu pažnju nadležnih institucija. Slijedom navedenog, tražim da Ured za borbu protiv korupcije i upravljanje kvalitetom ispita sve okolnosti sklapanja ovog poslovnog aranžmana, utvrdi odgovornost za njegovo potpisivanje i razmotriti mogućnost nalaganja poništenja Sporazuma ukoliko se potvrde navedene nepravilnosti. Kako bi se povratilo povjerenje javnosti transparentnost i zakonitost poslovanja moraju biti imperativ.

Faruk Selmanović

Zastupnik u Skupštini Kantona Sarajevo

Sarajevo: 14.03.2025. godine